



事物紀原卷之二

漢陽府推官建安陳華批點  
致仕教諭南平趙弼校正

嬪御命婦門

**淑儀**南史后妃傳叙曰。晉武帝初置淑儀為九嬪。視九鄉。唐百官志云。明皇開元中置六儀。其一曰淑儀。用晉事也。宋真宗大中祥符六年正月二十一日增置淑儀官。**淑容**南史魏明帝大始二年。置淑容。或置或否。宋初亦省。不置大中祥符中。與淑儀增置也。

**順儀**北史后妃傳。隋煬帝參詳典故。置順儀為九嬪。唐除之。明皇開元中。置六儀。四曰順儀。宋初亦不設。真宗朝與淑儀同置。

**順容**隋煬帝置。宋朝真宗亦增置。與淑儀同。

**婉儀**北史后妃傳曰。北齊文宣河清中。置婉儀為八十一

御女。唐初不置。至明皇置淑儀。以婉儀為四也。宋真宗亦增置

**婉容**宋真宗大中祥符六年正月二十一日。增置淑容。以

下至婉容凡六。並從一品。在昭儀之上。

**昭儀**漢元帝置。昭儀元魏置。左右昭儀。職視大司馬。北齊

文宣時。比丞相。唐為九嬪。

**昭儀**漢武帝所置。南朝亦有之。唐為九嬪。

**昭儀**唐百官志曰。唐因隋有之。考隋志。北史皆載。乃唐之置也。

**脩儀**魏明帝所置。隋煬帝以為九嬪。

**脩容**魏文帝所置。隋煬帝亦置之。

**脩媛**唐百官志曰。唐因隋志有脩媛。北史后妃傳。北齊文

宣河清中。置脩媛為御女。唐以為嬪。蓋采齊制也。

**充儀**隋有充儀為九嬪。唐會要內篇職曰。自武德時已有

此職。



原件短缺

充容漢有充容是為漢官也。北史曰隋煬帝參詳典故著之于今。

**充媛**唐志云唐因隋志有充媛考隋書及史記載必唐志也。

**婕妤**前漢有班婕妤好皆見於傳南史后妃傳叙曰婕妤漢

之舊號也隋煬帝以為世婦而為正二品。通典曰漢武

帝置婕妤視上卿比列侯。

**貴人**漢光武始置貴人為三夫人宋真宗亦置。

**美人**光武又置美人歷代多有宋朝初置職正四品。

**才人**南史曰晉武帝采漢魏之制夫人外有才人通典命

**郡君**漢武帝尊王太后母臧兒為平原郡君此封郡君之始也。

始也。

**縣君**武帝又封太后微時金王孫家所生姊號脩武縣君

此封縣君之始。

**大君**唐制四品妻為郡君五品為縣君其母邑號皆加太

君此封稱太君之始也。

朝廷注措門

**尊號**項峻始學篇曰天地立有大號曰天靈即帝王尊號

之始也堯曰放勳舜曰重華禹曰文命秦有天下李斯

王綰請上尊號曰秦皇。至唐高宗上元二年九月壬辰始稱天皇。中宗神龍元年十月上尊號曰應天皇帝。玄宗開元以後宰相始率百官上尊號以為常制。宋神宗熙寧中以上虛名無實行遂罷之。

**稱朕**。我也。古通稱之。秦始皇二十六年始獨天子稱朕。史記李斯議天子自稱曰朕。

**呼上**。司馬遷作史記凡指君尊皆依違不止言但稱曰上。太史公自叙書漢武本紀曰今上之類是也。今臣下呼天子曰上。由司馬子長始也。

**服**。二儀實錄曰。武德初制天地常服黃袍及衫後漸用赤黃遂禁止士庶不得服其事蓋自神堯始也。後又曰赭黃今倍以天子常服淺黃為赭黃也。赭黃與日色相似故謂之赤黃。見王建宮詞。

**服御**。唐會要曰天寶七年正月二十八日常服去紫用赤黃制可然天子服御以黃自常服之請也。

**陛下**。周以前天子無陛下之呼。史記李斯議事始稱陛下。蓋以天子陞堂必有近臣在階側以備不虞。臣與君上言不敢指斥。但呼陛下者。因卑達尊之義實自秦始也。

聖節明皇雜錄曰唐玄宗八月五日降誕是日宴宰相于  
乾華樓源乾曜請以是日為千秋節休暇三日長慶七  
年十月十日穆宗誕日合天下州府置宴文宗開成二  
年誕日始禁屠宰此聖節置宴之始也

改元史記素本紀惠文王十四年更為元年又六國表二  
初更元年也檢自歷代人君即位為元年中間無改元  
之制至秦惠王乃始有之漢因秦故文帝因之亦有中  
元後元之改迄今以為常是則改元之始自秦惠文王  
始也

自漢武帝建元元年始顏師古注前漢書曰自古帝

王未有年號始起于此而紀年通譜云道書有開白龍

漢上皇永壽等年號莫知是何代也弼按紀元云以一字紀元者始於漢文帝後元年景帝中元

年以二字紀元者始於武帝建元元年以三字紀元者始於梁武帝中大通元年尚字紀元者始於漢哀帝太初元元年今詳立說以紀元當始於周非武帝也

萬歲七國之時眾有喜慶於君者皆呼萬歲秦漢以來臣

子對見于君拜恩慶賀率以為常

山呼後人以呼萬歲為山呼者其事蓋起於漢武帝時按

本紀云元封元年正月武帝登崑崙高御史乘屬在廟傍

吏卒咸聞呼萬歲者三迄今三呼以為式而號山呼也

**上壽**通典曰。禮有獻酬。無上壽。惟詩大雅云。虎拜稽首。天子萬壽。豳風云。為此春酒。以介眉壽。此灼然明文。非彷彿其事也。古者詩工皆歌之。故得而言也。漢興叔孫通定禮儀。明年長樂宮成。諸侯朝賀禮畢。置酒殿上。尊卑次起上壽。其事本起於此。按淳于髡傳。對齊威王。有侍酒于前。奉觴上壽之語。及楚莊王置優孟前為壽。皆戰國時事。蓋非自漢始也。

**起居**通典曰。唐貞觀十三年。房喬奏請三日一臨朝。三年九月十八日。太尉無忌奏請視朝坐日。高宗報曰。

朕即大位。自今已後。每日常坐。永徽元年十月五日。初命京官五品以上。依舊五日一參。二年八月十九日。詔此後每五日一度。升太極殿視事。朔望即為式。蓋今五日起居之始也。漢書循吏傳曰。漢宣帝五日一聽事。則彷彿起居之事。其禮雖見于漢。要自唐始行之也。

**記注**漢武有禁中起居。禁後記注。東漢明德馬皇后自撰顯宗起居注。蓋周禮左右史之事也。謂之起居注。則自後漢始。唐藝文志亦有獻帝起居注。自此歷代皆有之。**時政紀**唐會要曰。永徽已後左右史惟侍對仗後。謀議皆



不聞姚璿音請伏下所言軍國政要宰相二人撰錄號時政紀憲宗問李吉甫何謂時政紀對曰是宰相記天子事以授史官之實錄也是則其事起自唐高宗時從姚璿之請也。

**索扇**唐書明皇時蕭嵩為相以為天子升降俯仰衆人皆得見之非肅穆之容也奏請凡朔望受朝備羽扇于殿上駕將出所司承旨索扇合于上座上坐定然後方去扇禮畢上將退又索扇如初此制之始自蕭嵩請也今之掌扇即是也。

宋時國朝會要自唐敬宗始御紫宸殿群臣展入閣之儀後唐明宗天成初又以月望入閣弼按山堂考察宋朝以舊制皆以月朔閣門先期舉奏詔可即施行仁宗康定一年八月宋庠奏唐世每遇坐朝之日即為入閣叔世離亂五朝草創大昕之制更從簡易正衙立仗因而遂廢其後或有行者常人之所罕見乃復謂之盛禮甚不然也况唐開元舊禮至開寶中諸儒增附新禮始載月朔入閣之儀又丁度奏入閣今詳元起請入閣是唐朝隻日於紫宸殿受常朝之儀云云

**延英**唐書韓皋曰延英之置肅宗以苗晉卿年老難步故設之耳後代因以為故事宋朝會要曰康定一年八月宋庠奏唐自中葉以還雙日及非時大臣奏事別開延英賜對宋時暇日御崇寧延和是也

**廊食**唐會要曰貞觀四年詔所司于外廊置食一頓五代會要曰唐室昇平日常奏對官每日朝退賜食謂之廊食宋時起居幕中亦賜酒饌蓋自唐太宗始也

**避殿**史記吳王濞傳曰七國反吳王既敗走景帝詔大將軍曰楚王卬等重逆無道燒毀宗廟朕素服避正殿則

其事始自漢景帝也

**損常膳**始云後漢鍾離意諫明帝起北宮疏曰陛下躬自克責降避正殿損常膳錄記以為二事之始今按意傳疏止言避正殿而無損膳之語又前漢文帝紀已書徹服損膳及賈山上疏文帝言治亂自陛下即位親自勉以厚天下損食膳不聽樂則事始所記謬矣按周官膳夫掌王之食羞五日一舉鼎十有二齋日有三不舉大喪則不舉大荒大札天地有烜拜有大故皆不舉是則三不舉者損常膳也蓋有周舊典云迄今以為式

**輟朝**唐會要曰開元十八年十二月張說薨輟朝罷元會  
又太和三年七月崔龜奏云貞觀中任瓌卒有司對仗  
奏聞太宗責其乖禮本文本致其夕罷警嚴張公謹上  
哭不避辰日臣謂大臣薨禮合輟朝推此則太宗以來  
尚未行輟朝禮會要首錄開元事當自明皇始也

**殿門**沈括筆談曰周禮天官掌舍無官則共入門今謂之  
**殿門**乃武官極長人之選上御前殿執鈇鉞于紫宸門  
下行幸則為禁圍于仗門之前今俗謂之鎮殿將軍也  
**衡門**又曰官殿行幸有衡門十人選武力絕倫者為之上

**衡殿**則執提東西對立以肅殿廷亦古虎賁之類也

**登聞鼓**唐會要曰武后垂拱二年置此以達下情蓋取白獸  
罇之義也今登聞鼓所投此其始也梁天監元年於公  
車府立謗木肺石置函欲有橫議則投謗木于函是則  
唐之置甌用此也

**登聞鼓**昔堯置敢諫之鼓即其始也。用下達上。而施於明  
故曰登聞。

(治理政體門)

**廷貢**尚書禹貢禹別九州始任土作貢。孔安國註謂貢賦

之差堯時事則進貢之始在禹平水土之後也

**賞賜**

書曰車服以庸自唐虞即然商書功懋懋賞周有車馬器服之等皆尚具賜之始也

**時服**

宋太祖建隆二年十月賜近臣冬服粥按杜子美端午日賜衣詩云古衣亦有名端午被恩榮蓋時服之賜唐時已有矣

**吏祿**

筆談曰天下市人素無常祿惟以受賂為生熙寧二年姊制天下吏祿從而設重法以禁請託

**通典**

曰開元八年二月勅都督刺史品卑者借緋及

是則借緋之制自明皇始

唐武后天授二年八月右羽林大將軍建昌王攸寧

借紫衫金帶九月二十六日除納言仍舊着紫金帶是

則借紫之制始于武后攸寧也

**執笏**

禮受命於君前以笏此三代之制也古者貴戚通用以書君上政令及思對命後代惟八座尚書執之其餘公卿執手板至後周武帝保定四年始令百官皆執笏

**版簿**

周禮司氏掌登萬民之數自生齒以上皆書于版太宰聽閭里以版圖今州縣有丁口版簿蓋始于此

鬻官 公華曰鬻爵賣官三代無有。自漢文帝納是錯言。令人入粟於邊拜爵各以多少為差。此即賣官之始也。

休沐 史記李園事春申君。謁歸故室。則假告已見于戰國時。漢律吏得五日一休沐。言休息以洗沐也。唐永徽三年二月十日。以天下無虞。百司務簡。每至旬假。許不視事。以寬百僚休沐。然則休沐始于漢。其以旬假休。則始于唐高宗也。

方帳 唐武德六年三月。令天下民戶。每歲一造帳籍。謂之方帳。十八年十一月。勅諸戶籍三年一造。此戶口有帳始

利源調度門

井田 通典曰黃帝始經土設井田。以塞爭端。立步制。畝以防不足。使八家為井。間為四道。此井田之原也。其法肇于黃帝。成于大禹。備于周。壞于秦也。

水利 公華曰井田廢。溝澮堙。水利所以作也。通典曰魏文侯使李悝作水利。此水利之始也。

常平 漢宣帝時年穀豐稔。耿壽昌奏請邊郡以穀賤時增價糴入。穀貴則減價糶出。名曰常平。此其始也。宋淳化五年六月。京畿大稔。物價至賤。遣使于京國四門置場。

增價糴令近倉貯之名曰常平歲歉乃減價以糴用賑貧民。

**義倉**通典曰隋文帝開皇五年長孫平奏令諸州百姓勸課當社共立義倉唐太宗貞觀中戴胄言隨天下之人每歲納二升貯之州縣倉以備凶年賑給百姓蓋義倉之置自隋文帝始。

**倉名**倉所以貯國儲也商有鉅橋漢有成臯教倉隋有黎陽自古亦無名額隋文帝開皇三年華州置廣通倉

之有名此其始也。

**兩稅**唐食貨志曰自開元以後租庸調法弊代宗時始以兩定稅至德宗相楊炎遂作兩稅法夏稅無過八月秋稅無過十一月是兩稅之始肇于天寶兵興之後也按春秋傳宣公十五年秋初秋畝公羊傳曰稅畝者何復而稅也今之稅以畝計此其初也其事雖出乎唐代宗亦緣春秋有稅畝之事耳其夏秋兩稅則自德宗始

**商稅**孟子曰文王之治岐也關市譏而不征則是夏商二代無稅矣又曰有賤丈夫焉必求壟斷而登之以左右

望而罔市利。人皆以為賤。故從而征之。征商自此。賤文夫始矣。此商賈之初有稅也。周官司關曰。國有凶札。則無關門之征。趙岐曰。王制云。古者關譏而不征。謂文王以前。周禮關門有征。謂周公以來有之也。

**雜稅**自夏后為貢。至商為助。周人為徹。其取於民也。有制。故國有定賦。而無橫歛。周衰之末。諸侯之強。伯相尚兵。革不怠。故費傳而什一不足。此雜稅之法。所以興也。是後漢武帝。算井田。唐德宗時。天下竹木茶漆。皆有稅也。**沈宣**唐書食貨志云。貞觀中。始稅草。以給諸閑。

**沿革**曰。晉宋齊梁時。凡貨牛馬田宅。有文券者。率輸四百入官。賣主三。買主一。蓋始于漢武。筭緡也。

**推茶**沿革曰。漢武帝。漢三年。始推酒酤。起于唐德宗時。趙贊張滂建議。稅其什一。唐會要曰。貞元九年正月。初稅茶。先是張滂奏。請于有茶州縣。及茶山要路。定三等稅。每十稅一。茶之有稅。自此始。一云穆宗時。王涯始推茶。

**推**其始原于唐第五琦。是後劉晏代其任。大曆末。征賦所入之鹽。當天下太平之賦。

**漕運** 沿革曰。秦伐白奴。天下飛芻輓粟。此漕運之始。

**屯田** 事始曰。漢明帝詔。故將吏屯田於張掖。謂為屯田之始。

按西域傳。自武帝初通西域。置校尉屯田於渠犂。又征和二年。桑弘羊奏言。可遣屯田卒。益種五穀於張掖酒泉。然則屯田之制。起于漢武開西域之時也。

**職田** 孟子曰。鄉以下必有圭田。禮記王制曰。圭田無征。周官亦有大夫之

采地。此職田之起也。晉有芻藁之田。後魏給公田。北齊自品以下各有公

田。唐時制外官各給職田。然則職田之名。唐始有之。宋真宗欲復職田。詔在

事物紀原卷之二

事物紀原卷之二

漢陽府推官建安陳華批點  
致仕教諭南平趙弼校正

(公式姓諱門)

勅三代以上。王言有典。謨訓誥誓命。凡六等。總謂之書。漢

初定儀制有四。其四曰戒勅。今勅是也。自此帝王命令

始稱勅。至唐高宗顯慶中。始云不經鳳閣鸞臺。不得稱

勅。其名遂定于此。

勅。唐高宗上元二年。以勅制施行。既為永式。用白紙。多



為蟲蛀。自今以後尚書省頒下諸州縣並用黃紙勅用黃自高宗始也。

**制**劉勰文心雕龍曰。古者有命無制。周禮大祝作六辭以達上下。其一曰命。是也。蘇氏演義曰。制也。正也。禁也。斷也。言君上用人或命制而行之。或禁制而止之。

**詔**有熊唐虞同稱曰命。其在三王時。無詔誓詔也。詔者教也。所以詔教天下之民。三代時無詔文。至秦始皇二十六年。李斯議命為制。今以詔歷代因之。

**鳳詔**後趙石季龍置戲馬場觀上安詔書。用五色紙啣于

木鳳口中而頒之。宋朝大禮。御樓賜赦亦用其事。白石氏起也。

**誥**尚書湯黜夏作誥。漢初太上皇稱之。又所以命官受職。皆為誥。以成湯為之始。蘇氏演義曰。誥者告也。言布告三者之令。使四方聞知。今言告身者。謂已身受其告令也。

**冊命**漢儀有四。一曰策書。策簡也。令冊命即是。蓋始于漢世。顧命也。

**宣麻**唐書百官志曰。開元二十六年。改翰林供奉為學士。專掌內命。凡拜免將相號令征伐。皆用白麻。宣麻之始。

自明皇之世也。

**教**漢制王侯及郡侯長史于所部其指令皆稱教取敬敷

五教之義今皇后亦稱教旨蓋始于漢世之稱教也

**表**堯咨四岳舜命九官並陳詞不假書翰是則敷奏以言

即章表之義也漢世有章駁表奏四等是則表為漢制

也禮氏演義曰表者白也言以情旨表白于外也漢淮南

王安謀代闕表。東平王詹上表讓驃騎將軍。表由二王始。

**上書**太甲既立不明厥德伊尹作書以戒此上書之始也七

國時臣子言事於君皆曰上書秦改曰奏今亦有上書者

又通于臣下也。

**轉對**唐會要曰德宗貞元中每御延英殿令諸司長官二

人奏本司事常參官每日二人引見訪以政事謂之巡

對宋朝因之曰轉對。

**移文**心曰始于劉歆移文太常博士孔稚圭因有北山移

文今之移牒始于此。

**檄**始于周穆王令祭公謀父為威讓之辭以責狄人也蘇

氏演義曰顏師古注急就章云檄者激也以辭旨慷慨

發動之意。

**闕**唐會要曰。唐制諸司相質問。謂闕通其事。其事始于唐。宋神宗行官制。用唐故事。亦用之。

**露布**隋書志。後魏每戰攻克捷。欲天下聞知。乃書帛。建于漆竿之上。名為露布。通典亦云。後漢桓帝時。地數震。

動。李雲乃露布上書。註云。不封其書也。晉桓溫北伐。表宏作露布。宏俯馬濡染不輟。俄得七紙。則露布之名。晉已有矣。按洪武文章錄。起乃。露布。

洪武馬超代曹操作。

**增錄**

**祝文**自伊耆始為八蜡。乃有祝文。其辭曰。土反其宅。水歸其壑。昆蟲無作。草木歸其澤。此祝文之始也。前漢董仲

舒有祝日。餘文亦本於此。

周制大夫以上則有謚。士則有諱。是諱起于周也。禮記檀弓。魯莊公及宋戰。縣賁父死之。公諱之。士之有諱自此始。釋云。諱者哀死而述其行之辭也。

**殿下**漢以來。皇太子諸王稱殿下。漢之前未聞。唐初百官

於皇太后亦稱之。今親王亦稱也。按魏志。曹操定漢中。杜襲始稱之。時操封魏王。故襲呼殿下。按此。自杜襲始也。酉陽雜俎曰。秦漢以來。於天子稱陛下。皇太子稱殿下。將稱麾下。通類相呼言足下。

**閣下**沈約宋書三公黃閣其事前史無聞按士鞅與天下同公侯大夫即異注云三公與天子禮數相亞故黃其閣示謙不敢斥尊此是漢制閣下之呼出自此矣故今呼三公曰閣下

**啓**張璠漢記曰董卓呼三臺尚書以下自詣啓事然後得此行此為啓事得名之始魏國歲記始云啓末云謹啓晉宋以來與表俱用今止臣下用於王也

**簡**詩出車之篇曰畏此簡書簡書者治竹煞青作簡以書用紙亦名簡以通慶弟問候之禮蓋取簡書之義

漢天牘類八錦帶前書曰書版曰牘書竹曰簡

**書**舜曰書用識哉春秋子家而益以書漢曰天牘陳遵所

善是也故今日書書名雖見於有虞寔始於春秋也

**姓**通曆曰帝三五運歷年紀人皇之後有五姓四姓七姓

十二姓姓之始宜起于此而帝王世紀至太昊始曰庖

犧氏風姓易類是數謀曰黃帝推律定姓宜姓自太昊

始而言黃帝定姓者因生賜姓之始也風俗傳云張王

李趙為黃帝賜姓

**氏**春秋左氏傳曰天子則生以賜姓昨之士而命之氏蓋

命氏之原尚矣。天皇而降，皆稱。雖盤古亦曰氏也。

**族望**筆談曰：士人以氏族相高，雖從古有之，然未盛著。自魏氏鈴總人物以氏族，亦不專任門地，惟四夷則全以爲貴賤。如天竺則以利婆羅門爲貴種，白餘爲庶姓，是也。國王大臣各有種姓，尚非貴種。國人莫肯歸庶姓，雖有勞能，亦自甘歸大姓之下。後魏據中原，此倍遂盛於中國。唐末方息也。

**名帝**三世紀曰：神農母名女登。春秋鈞命訣曰：任姒感龍生帝魁。注云：魁，炎帝之名。左傳曰：太昊以龍紀官，故爲

龍師而以龍名。又太昊之母名華胥，是則名始于伏羲之前也。

**子禮**記郊特牲曰：冠而字之，敬其名。冠而字，成人之道也。字所以貴名。帝王世紀曰：少昊帝名摯，字青陽，是則金天氏始爲字也。

**諱**周禮小史之職：有事詔王之諱。注云：先王之名。禮卒哭以木鐸，徇于道，踞捨故而諱。注曰：故高祖之諱，新新死者之諱。左氏傳曰：周人以諱事神名，終將諱之，則是諱名自周之始也。祭義曰：文王稱諱如見親。

**花押**古者書名。改真後草。取其便於書記。難於模倣。唐書

常邠公陟。每書陟字。自號五雲體。俗浸相緣。率以為常。復有不取其名。出於機巧者。此押字之初。蓋自常陟始

也。弼考陟字殷。明皇開元中。壬禮部侍郎。常以五來箋為書記。使侍妾書之。惟署名自謂書陟字。若王及魯雲時。號邠公五雲體。

邠音荀。

**禮祭郊祀門**

**禮**記曰。禮始諸飲食。蓋自太昊取犧牲以供庖厨。制嫁娶以儷皮為禮。此其始也。王子年拾遺記曰。庖犧崇禮教以導文。通典曰。伏羲以來。五禮始彰。堯舜之時。成信。楊子雲法言曰。法始乎伏羲。成于堯。匪伏匪堯。禮義峭

峭也。

**齋**春秋命誠圖曰。黃帝請問太乙長生之道。太乙曰。齋六丁可以成功。內傳曰。帝誓剪髮。刈尤乃齋三日。告于上帝。此齋戒之始也。

**郊丘**通典曰。黃帝封禪天地。則郊丘之始矣。又黃帝內傳曰。王母既會。帝于蓬萊。帝歸乃築圓壇以祀天。方壇以祀地。此則圓丘方澤之始也。

**壇**方氏註曰。祭祀為壇。築土為壇。書金縢。武王有疾。周公為三壇同禱。黃帝內傳。乃有築壇禪事。此其始也。

禘郊祭法曰有虞氏禘黃帝而郊嚳祖顓頊而宗堯則始  
于虞舜也。

**三歲郊**史記封禪書曰漢武即位之明年至雍郊見五畤  
時後常三歲一郊則郊以三歲自漢武始也。

**合祀**祀天於南郊祭地於北郊古今之通義也通典曰漢  
平帝立王莽專政頗改祭禮云天地有合別著孟春正  
月上辛若丁天子親合祭天地于南郊南郊之合祀自  
王莽始也黃圖載元始四年王莽宰衡莽孟春親郊余天  
於南郊以地配望于山川徧于群神天地位皆南向同

席地差在東是也。

**明堂**黃帝時曰合宮有虞曰總章商曰陽館周曰明堂管  
子曰黃帝有明堂之議通典曰黃帝拜祀上帝于明堂

唐虞祀五帝于五府夏后享祖宗于世室商人曰重屋

周人宗祀文王于明堂以配上帝周禮又曰夏后太室

商人重屋漢時公孫玉帶畫黃帝明堂圖則明堂要自

黃帝始也而孟詵錦帶前書及鄭康成匠人夔世室注

云上五室法五行木室處東北曰青陽火室東南曰明

堂金至西南曰總章水室西北曰元堂土室中央曰太

室。蓋夏后以不毀為名。故曰世室。商人加以重簷。故曰重屋。周以明布政令。故曰明堂。公羊見禮記月令。

**封禪**

史記封禪書曰。封太山。禪梁父者。七十二君。無懷氏

為之始。蓋在太昊之前也。管子亦云。遁甲開山記。則太

昊之始。自女媧至無懷氏十五。乃在太昊後。秦帝前

**神州**

王者所居之地名也。通典於周制方丘篇始錄之。則

是神州之祭。自周始也。弼考王要古今通論。崑崙東南方五千里。謂

之神州中有利藹鄉。帝王之宅。聖人所生也。故今呼京都為神州。蓋本於此。

**社**

禮記曰。社於土。而主陰氣。左氏曰。共工氏有子曰句龍

為后土。實始為社。漢高祖十年春。有司奏令郡縣常以春二月祠社稷。以羊豕。蓋自三代以來。社稷為諸侯命。祭。秦罷侯置守。故諸侯之政歸于守令。漢唐以來。始以郡縣祠社稷也。

**稷**

禮記。稷為五穀之長。昔烈山氏子柱。能植百穀。故祀為

稷。高辛。唐虞夏皆因之。湯為旱遷柱。而以周稷代之。欽

遷。勾龍無可代者。故自因。湯以來皆祀之。其州郡祭社

儀禮。蓋自宋朝祥符中始定其式。至今因之。

**大蜡**

臘蜡者。歲十二月。合聚百物而索享之也。通典曰。蜡



之義自伊耆之代而有其禮。古之君子使之必報之。是報田之祭也。其神神農。初為田事。故以報之。

**山川** 通典曰黃帝祭于山川典禮為多是則山川祀秩始

自黃帝也。舜典望于山川。

翔考山川乃名山大川五岳四瀆之屬望而祭之故曰望。

**籍田** 周制天子孟春躬耕籍田其事見于周官甸師之職及禮記其禮周制也。

**五祀** 世本有曰商湯作五祀戶井竈中雷行至周而七曰門。五行竈司命中雷也。

**宗廟** 禮緯元命包曰唐虞五廟夏后因之至商而七書咸

有一德曰七世之廟可以觀德是也。周兼文武二祀。故

有九廟。由唐虞推而上之。其前乃有至堯舜乃祭五廟

**廟號** 王者祖有功宗有德始自有虞祖高陽而宗堯故舜

與正月上日受終于文祖。又曰歸格于藝祖。用特大禹

謨亦有受命于神宗之文。商有天下太甲號太宗太戊

號中宗武丁號高宗。始制宗廟之號。故漢世因之。西京

有太宗世宗東宗。東京有顯宗肅宗。而唐室諸帝乃例稱之。

蓋事原於虞舜而備于商人也。

**朝獻** 筆談曰唐制祈于上帝則百官皆預祭告。惟太清宮

與太廟則上親行。謂之奏告。以南郊為正祠。天寶九年。詔以告。謂上告下之詞。今後太清宮宜稱朝獻。太廟宜稱朝享。自此失奏告之名。又皆為正祠。自唐始也。

**配天**有虞為禘郊之禮。以祀昊天上帝。始有配食之事。祭法有虞禘黃帝而郊嚳是也。虞以尚德。故用有德者夏商稍用其姓代之。至周始以嚴父配。故孝經曰嚴父莫大乎配天。則周公其人也。周公郊祀。以后稷配天。宗祀文王于明堂以配上帝。注云。謂以父配天之禮。始自周公。蓋配天侑食肇于有虞。而明堂之嚴父配天。則自周

公始也。

**版位**尚書。殷盤庚之告其臣曰。茲予大享於先王。爾祖其從與享之。是則功臣配享之禮。由商人始也。周禮。有功者書于太常。祭于大烝。司勳。詔之。

**版位**宋朝會要。景德三年九月二日。上封事者言。郊立天地神位。不嚴。望令重造。詔王欽若詳閱脩製。十一月一日。版成。貯以漆匣。舁床。覆以黃絹。帕壇上四位。以朱漆金字。第一神位。黑漆黃字。第二以絳黑漆朱字。天地祖宗為一匣。餘十二位為一匣。今之神位版也。

飲福宋乾德元年十一月以南郊禮畢大宴于廣德殿自後凡大禮畢皆設宴如此例謂之飲福宴蓋自此始

（宗奉褒冊門）

王皇號宋朝會要曰大中祥符七年正月真宗詣玉清昭應宮率天下臣庶奏上玉皇聖號章衡紀年通載大中祥符八年正月壬子朔上玉皇大帝號

聖祖號宋天禧元年正月壬寅帝詣景靈宮天興殿恭上聖祖聖號寶冊章衡紀元通載曰天禧元年辛丑朔上聖祖號前後所記多不同姑述此二年記之

聖祖號天禧元年三月六日冊上聖祖母懿號曰玄天大聖后

真武號宋朝會要天禧二年閏月詔醴泉所立觀曰祥元六月詔加真武靈應真君

孔子封唐禮樂志曰明皇開元二十七年詔太子稱先聖可謚曰文宣王遣三公持節冊命唐會要曰開元二十七年八月二十四日追謚孔子為文宣王其後嗣元封嗣文宣王二十七日命裴耀卿等就國子監冊命宋朝會要曰大中祥符元年詔追謚玄聖文宣王五年十二

月謚至聖文宣王。避聖祖諱也。

孔子父大中祥符元年十一月二日。勅叔梁紇追封齊國公。顏氏追封魯國大夫。

孔子妻。是日又勅官氏追封鄆國夫人。同日封也。

十哲封。唐會要曰。開元二十七年八月二十四日。詔十

哲並宜褒贈。顏子亞聖。須優其秩。十哲之封自此始。

七哲子。又詔七十子。並宜追贈五等之爵。俾與先聖咸膺

盛禮。

周公封。宋朝會要曰。大中祥符元年十一月。詔周文公曰。

可封文憲王于兗州曲阜縣運廟。秦秋委州長吏致祭。

太公封。唐肅宗紀曰。上元元年閏四月己卯。追封太公為

武成王。宋大中祥符元年十月。詔曰。維師尚父。寔贊隆

周。宜加謚昭烈武成王。仍於青州建祠廟。

老子號。唐高宗乾封元年二月己未。追號老子太上去元

皇帝。唐會要曰。天寶二載正月十五日。加號太聖祖。上

八載六月十五日。加號大道玄元皇帝。十三載二十載

日。加號大聖祖。上大道金闕玄元天皇大帝。至宋大中

祥符六年八月十一日。制謹奉上真元皇帝聖號曰太

上老軍。渾元上德皇帝。真宗實錄云。六年七月庚午日。制也。紀年通載云。大中祥符七年正月戊申。奏上太上老軍尊號。

**老子母號** 武后光宅二年九月甲寅。追尊老子母曰先天太后。唐會要曰。文明元年九月。冊玄元皇帝母為先天太后。二說未知孰是。

**岳神號** 唐會要曰。武后垂拱四年七月一日。封嵩岳為神嶽。大中王苗兩歲。通天元年四月一日。尊為皇帝。中宗神龍元年復為王。睿宗先天元年八月二十日。又封為西

岳。金天王。明皇開元十三年。封泰山為天齊王。天寶五載正月。封中岳為中天王。南岳為司天王。北岳安天王。宋朝會要曰。大中祥符元年十月十五日。詔泰山天齊王加號仁聖天齊王。四年二月二十一日。加號西岳順聖。金天王廿六日。又加號中天王。為崇聖中天王。五月加上中岳曰中天崇聖帝。東岳曰天齊仁聖帝。南岳曰司天昭聖帝。西岳曰金天順聖帝。北岳曰安天元聖帝。**鎮號** 隋書開皇十四年。立冀鎮。霍山祠。開元禮。惟祭四鎮。天寶十載正月十三日。始封東鎮沂山為東安公。南鎮

會稽山為承興公。西鎮吳山為成德公。中鎮霍山為應聖公。北鎮醫巫閭山為廣寧公。

**嶽后號** 宋大中祥符四年十一月二十九日。詔加上東嶽淑明后。南岳景明后。西岳肅明后。北嶽清明后。中岳正明后。

**四海親** 唐會要曰。天寶十載正月二十二日。封東海為廣德公。南海廣利公。西海廣潤公。北海廣澤公。宋真宗康定元年十一月。詔加東海淵聖廣德王。南海洪聖廣利王。西海通聖廣潤王。北海沖聖廣澤王。

**四瀆號** 唐會要曰。天寶六載正月十二日。封河為靈源公。濟為清源公。江為廣源公。淮為長源公。宋大中祥符元年十一月十四日。詔河瀆進號為頌聖靈源王。康定元年。詔封四瀆為王。按三代五嶽視三公。四瀆視諸侯。至唐始如其號也。

**追贈** 自武王克商。追贈犬王王季。故後代有追謚追尊之典。逮今人臣。亦有追贈之制。

事物紀原卷之三

事物紀原卷之四一

漢陽府推官建安陳華批點  
致仕教諭南平趙弼校正

樂舞聲歌門

樂通典曰伏羲樂名扶來亦曰立木神農樂名扶持亦曰  
下謀隋樂記伏羲有網罟之歌詠伊耆有箒籥之音葛  
天八閔神農五絃其來尚矣世本曰伏羲造琴瑟是始  
為樂至黃帝命伶倫考八音調和八風為雲門之樂其  
事于是乎備

